

S **LO**
 Afil. 1.25
Di Pueblo

BRIYANDO FUERTE • TRECIENDO CLARIDAD
 DIAMARS 16 JANUARY 2024

OKÉ TAKE AWAY

Special di dia: Beef Cuts small, Chicken Cuts small, Grouper, nos Famoso y tan gusta Balchi Pisca.
 Order tempran: 746-3571 / 565-3232

WWW.SOLODIPUEBLO.COM SOLODIPUEBLO@GMAIL.COM

ARUBA A CONOCE SU REINA GRANDI DI CARNAVAL 70: GEDIS JANSEN - TOB

Señora Carnaval # 28: Tatiana Tromp - EPB Oranjestad



Despues di un atraso di 9 ora y den oranan di madrugada

SEÑOR BERNARDO ARÉVALO A HURAMENTA COMO PRESIDENTE NOBO DI GUATEMALA



COMERCIANTENAN CHIKITO CU TA CAY BOU KOR, NO TIN MESTER DI ENTREGA E DECLARACION ANUAL DI BBO/BAVP/BAZV MAS

ACCIDENTE NA TANKI LEENDERT CU 3 VEHICULO Y UN DAMA 4 LUNA NA ESTADO ENVOLVI



Minister Endy Croes: NOS TA DESEA IVAN PURIEL HOPI EXITO CU SU PASANTIA NA E PRESTIGIOSO RESTAURANT DI MICHELIN STAR DI E FAMOSO CHEF FRANÇOIS GEURDS



: Diahuebs atardi, Minister Endy Croes tabata presente na Aeropuerto Internacional Reina Beatrix pa desea Ivan Puriel hopi exito cu su pasantia na e prestigioso Michelin Star di e chef François Geurds na Rotterdam, Hulanda. Tambe presente na e ocasion special aki, tabata presidente di AHATA Sra. Tisa Lasorte, directora general di Colegio EPI Sra. Ankie Danker, Sra. Rachelle Goedgedrag di International Affairs di Colegio EPI, familia- y amistadnan pa asina despedi di Ivan y pa dese' e exito cu e bunita oportunidad aki. Minister Endy Croes a enfatisa cu e proyecto aki ta posibel danki na e colaboracion entre Colegio EPI, Aruba Marriott Resort & Stellaris Casino, AHATA y ASD Hotel & Restaurant Equipment & Supplies.

Directora general di Colegio EPI, Sra Ankie Danker a elabora un poco di e proyecto. Manera ta conoci, recientemente Sr. François Geurds, kende ta mundialmente famoso tabata na Aruba y durante su estadia el a guia seis (6) estudiante culinario di Colegio EPI. Di e grupo aki dos (2) estudiante a haya e oportunidad pa pasa nan pasantia di cuater (4) luna na Sr. Geurds su famoso restaurant Michelin Star na Hulanda. Sra. Danker a expresa di ta hopi orguyoso di Ivan, orguyoso di e colaboracion entre Marriott Aruba Resort & Stellaris Casino y AHATA pa brinda e oportunidad na e studentenan. Tambe, Sra. Danker a gradici Minister Endy Croes pa su apoyo den e proyecto aki pa asina brinda e studentenan un experiencia unico. Hunto ta crea mas experencianan inolvidabel pa e

studentenan di Colegio EPI. Sra. Danker a indica cu tin varios proyecto interesante na caminda.

Presidente di AHATA, Sra. Tisa Lasorte a indica cu a traha hunto cu Marriott Resort & Stellaris Casino pa brinda e oportunidad aki na Ivan Puriel. Esaki sigur ta un bunita oportunidad pa un hoben cu tin talento, conocimiento di cushina y cu hopi motivacion personal pa por siña internacionalmente. Esaki ta crece su conocimiento, su pasion y creatividad. Sra. Lasorte a sigui bisa cu kier demostra cu na nos pais nos tin hobennan cu ta interesa den e ramo culinario pa bira un chef. Nos ta sigur cu Ivan lo bira e siguiente "rockstar chef" di Aruba. Ademas di esaki, kier inspira mas hoben pa drenta e ramo culinario, e ta un carera hopi bunita cu ta rekeri pasion y conocimiento. Ivan lo sigui siña hopi di un chef mundialmente famoso, esaki ta un oportunidad enorme pa Ivan y Aruba. Sra. Lasorte a enfatisa di ta spera di wak Ivan pronto bek na Aruba pa comparti su experiencia internacional, conocimiento, talento y creatividad cu nos comunidad.



Sra. Rachelle Goedgedrag, kende ta PR di Colegio EPI y ta forma parti di e ekipo di International Affairs di e scol, ta contento di wak cu Ivan ta probechando di un bunita oportunidad. Sra. Goedgedrag a indica di ta agradecido na tur e companianan cu a haci esaki posibel. Aruba ta brindando nos hobennan mas oportunidad y nos kier pa nos studentenan ta cla pa esaki.

Ivan Puriel a expresa cu e ta hopi contento cu e oportunidad unico aki y cu e no por a pensa cu e lo a haya e oportunidad grandi aki. Tambe, Ivan a expresa di tin un poco duele door cu ta pa prome biaha e ta laga su familia atras, pero e ta contento cu e ta bay siña masha hopi mes. Ivan a studia tres (3) aña na Colegio EPI. Recientemente, el a gradua y ta cla pa sigui su

soño. E soño pa bira un chef a nace na momento cu el a cuminsa cu su estudio culinario na Colegio EPI. Despues cu Ivan a pasa su pasantia na Gianni's Restaurant y Infini Restaurant, e tabata sa cu den e rumbo aki e kier continua su carrera. Ivan su deseotabata pa undi traha na e famoso restaurant di Michelin Star. Awo, cu e oportunidad a presenta e lo haci bon uzo di dje. Ivan su mensahe pa e hobennan ta pa tin pasion y stima loke bo ta haci. Ivan ta hopi agradecido na AHATA, Marriott Aruba Resort & Stellaris Casino y Sr. François Geurds pa e oportunidad aki.

Pa conclui, Minister Endy Croes ta desea Ivan Puriel hopi exito Siña lo maximo posibel y ora cu e finalisa su pasantia y ta bek Aruba comparti su conocimiento cu el a ricibi cu nos comunidad.

OTRO LADRON CU A FAYA, A KIBRA BENTANA DESTROI DASHBOARD BAO STUUR Y KEDA SIN BAY CU E AUTO

Den e ladronnan tambe tin Dumb & Dumber, diadomingo mainta a drenta informe di un caso di intento di ladronia na un adres na Noord, mesor a dirigi un patruya na e sitio. Na yegada di e patruya a bin compronde cu aki ta trata mas bien

un caso di destruccion pa intento di ladronia di un auto. E ladron a destrui e bentana chikito di un Hyundai Getz drenta paden y destrui e dashboard bao di e stuur pa asina start e auto y bay cun'e. Pero e doño e anochi prome a saca e

bateria y pone paden. Pues por ripara cu e ladron no a nota ora ela habri e porta cu e lus chikito di cu e porta a habri no a sende pero asina mes a sigi pa bay destrui e switch di e auto. Polis a tuma keho di destruccion cu intento di ladronia.

Despues di un atraso di 9 ora y den oranan di madruga SEÑOR BERNARDO ARÉVALO A HURAMENTA COMO PRESIDENTE NOBO DI GUATEMALA

E fin di siman cu a pasa, Prome Minister Evelyn Wever-Croes tawata na Guatemala pa e traspaso di mando di Presidente saliente senior Alejandro Giamanttei pa señor Bernardo Arévalo.

Despues di un atraso di 9 ora, e ceremonia di huramentacion di Guatemala su presidente nobo Bernardo Arévalo y vice presidente nobo Karin Herrera a tuma luga den oranan di marduga. Congreso na Guatemala a nenga pa aproba credencialnan di diputadonan electo, cu a trece tardansa den e proceso di huramentacion di presidente electo Arévalo. A convoca un

reunion di urgencia di tur e hefenan di gobierno na unda cu a emeti un declaracion pa Congreso respeta e eleccion di e pueblo di Guatemala, y pa permiti e huramentacion di presidente electo Arévalo. Presente na e reunion aki tabata tambe presidente di Costa Rica Rodrigo Chaves Robles, presidente di Paraguay Santiago Peña, presidente di organisacion di estadonan americano Luis Almagro, y varios canciyer.

Den su discurso presidente Arévalo a declara cu Guatemala nunca mas mester bay pa violencia ni corrupcion. Algun miembro di Congreso di Guatemala kier a stroba



e huramentacion desde resultado di eleccion na augustis 2023, te cu awe ainda. Pero pa 2or di marduga, e presidente y vice presidente a huramenta y den oranan tempran di dialuna, e gabinete di minister a

huramenta.

Prome Minister a expresa di ta contento di por a forma parti di e proceso aki y ta felicita pueblo di Guatemala cu nan presidente nobo. Den nomber di Aruba, Hulanda

y demas paisnan den Reino, Prome Minister a felicita Presidente Arévalo y a desee tur clase di exito den su maneho di gobernacion especialmente den su plannan pa combati corrupcion y respeta derechonan humano.

ELMAR TA E SPONSOR PRINCIPAL DI FESTIVAL DI TUMBA PA DI DOS AÑA CONSECUTIVO



E herencia di Aruba su tumba di Carnaval ta importante pa ELMAR, nos deseo ta cu e contribucion aki no solamente lo sostene e Festival, sino tambe inspira otronan pa uni cu nos den nos esfuersonan pa celebra nos Cultura.

Stimula nos Cultura ta un componente esencial di e programa di 'Corporate

Social Responsibility' (CSR) di ELMAR. Nos ta orguyoso di por sostene iniciativanan cu ta yuda promove nos patrimonio Cultural.

Bin apoya y celebra nos cultura durante Aruba su gran Festival di Tumba! Nos ta desea henter Aruba un temporada di Carnaval dushi, sano y sigur.



Minister Dangui Oduber AÑA 2023 TAWATA E MIHO AÑA DEN HISTORIA DI ARUBA PA CU TURISMO. INDICADORNAN DI ATA, AAA, APA, AHATA Y CBA A CONFIRMA ESAKI



E siman cu a caba di pasa nos a ricibi tur e resultadonan oficial di tanto ATA, AAA, APA, AHATA y CBA pa loke ta e cifranan registra pa aña 2023. Manera nos a premia aña 2023 a sera hopi fuerte y e indicadornan cu ta midi

resultado di nos turismo a confirma cu aña 2023 ta nos miho aña den historia di pais Aruba. E target di ministerio di turismo tawata na comienso di aña pa percura pa e recuperacion di nos turismo continua y pa surpasa e resultadonan

di aña 2019 cu tawata un aña hopi fuerte.

Minister Oduber su maneho ta basa riba:

1. Trece e turista afuente y di calidad
2. Diversifica nos turismo
3. Haci inversionan continuo den mehoracion di producto Aruba

Minister Oduber ta sumamente contento di mira con e maneho aki ta wordo ehecuta y refleha den resultadonan di aña 2023.

Indicadornan di Aruba Tourism Authority



De Minister van Justitie en Sociale Zaken is voornemens in het openbaar aan te besteden het project:

“Renovatie Directie Sociale Zaken, gebouw B, fase 3B”

- Bestaande uit:
- Perceel 1: Technische Installatie
 - Perceel 2: Luchtbehandelingsstelsysteem
 - Perceel 3: Bouwkundig, Terreinen en Meubilairs bestaande uit:
 - Onderdeel 1: Bouwkundige werkzaamheden in gebouw B
 - Onderdeel 2: Terreinwerkzaamheden parkeerplaats zuidwest, parkeerplaats oost en parkeerplaats noord
 - Onderdeel 3: Inrichtingsapparaten en meubilairs t.b.v. pantries, kantine, vergaderzaal en wachtruimte.

Volgens bestek DOW nr. 05 d.j. 2023.

Korte omschrijving van het werk:

- Het leveren en aanbrengen van elektro-technische installatie;
- Het leveren en installeren van een luchtbehandelingsstelsysteem;
- Plafondconstructie, nodige boringen en koven t.b.v. airco- en electro technische installatie, leveren en aanbrengen van parkeerstops, verkeersborden, spijlenhekwerk t.b.v. outdoor airco units en benamingsbord;
- Reparatie beton-, metsel-, pleister- en schilderwerk noordkant afrastering;
- Leveren en aanbrengen van diverse inrichtingsapparaten en meubilairs t.b.v. pantries, kantine, vergaderzaal en wachtruimte

Uitvoeringstermijn: 100 werkbare werkdagen na datum van opdrachtbrief, excl. bestellingstijd.


Het bestek is vanaf 16 januari 2024 verkrijgbaar bij DOW tegen betaling van Afl. 550, = De betaling te voldoen bij de kassier van de Dienst Openbare Werken (DOW). De openbare bescheiden liggen ter inzage vanaf 16 januari 2024 te DOW bij het Secretariaat van de Directie.

Inlichtingen worden verstrekt op 24 januari 2024 om 10.00 uur v.m. te DOW. De Nota van Inlichtingen wordt vastgesteld op 31 januari 2024. De openbare aanbesteding vindt plaats op 16 februari 2024 om 11.00 uur v.m. op het kantoor van de directeur van de Dienst Openbare Werken.



De inschrijver moet bij zijn inschrijving de volgende vereisten overleggen:

1. Gewaarmerkte inschrijvingsformulier
2. Gewaarmerkte specificatie inschrijfsom
3. Originele bewijs van inschrijving in het register van de Kamer van Koophandel van Aruba (niet ouder dan 6 maanden).
4. Bereidheidsverklaring tot het instellen van een bankgarantie of borg.
5. Overige vereisten opgenomen in het bestek.

Inschrijving dient te geschieden op het bij het bestek gevoegde en gewaarmerkte inschrijvingsformulier.



ACCIDENTE NA TANKI LEENDERT CU 3 VEHICULO Y UN DAMA 4 LUNA NA ESTADO ENVOLVI



Diadomingo atardi a drenta informe di un accidente cu hende herida na Tanki Leendert, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente unda cu un chauffeur a brake diripiente riba e caminda

muha y a purba desvia pero e pickup a sigi slip dal e Suzuki na e skina drechi manda esaki bay dal den banda di un auto contrario. Den e Suzuki tabata tin un dama 4 luna na estado cu tabata keha dolor di nek. Na yegada di ambulans nan a atende e dama y a transporte pa hospital pa un control mas extensivo.

 DENTAL SOLUTIONS ARUBA
  DENTALSOLUTIONSARUBA



Ernesto Bermudez
- DENTAL SOLUTIONS -

Act Now
for Your
SPECIAL SMILE

Public Figure:
Rocco Flava

FREE CONSULTATION

 +297 585 3255
+297 592 9398

Minister Endy Croes: FORMATIE RAPPORT Y INSTELLINGBESLUIT DI DEPARTAMENTO DI ENSEÑANSA ARUBA TA APROBA



Durante Conferencia di Prensa di Gobierno di Aruba, Minister di Enseñansa y Deporte Endy Croes a indica cu a aproba Formatie Rapport y Instellingbesluit di Departamento di Enseñansa Aruba (DEA). Desde aña 2010, Centrale Accountantsdienst Aruba (CAD) a skirbi un rapport, unda a evalua e efectividad di e sistema di control interno di henter e departamento. A base di e rapport aki y conseho di Departamento di Recurso Humano (DRH), a inicia cu e trayecto di restructuracion den su totalidad. E meta primordial di esaki ta pa eleva e eficiencia di Departamento di Enseñansa Aruba. Esaki tabata un trayecto

largo, pero finalmente a logra. Desde aña 2017, e Formatie Rapport tabata cla y lamentablemente e ministernan anterior no a tuma decision riba esaki.

Na aña 2020, a inicia un otro trayecto di restructuracion di Departamento di Enseñansa Aruba pa establece e Instellingbesluit. Minister Endy Croes a indica cu berdaderamente e restructuracion aki tin consencuencia financiero, mirando cu den e sistema nobo aki e cantidad di empleado lo amuenta di alrededor di 60 pa 83 empleado. Esaki lo tin un costo total di 3.1 miyon florin.

Minister Endy Croes a indica durante e conferencia di prensa cu december 2023 a ricibi e conseho final di DRH y el a presenta e Formatie Rapport y Instellingbesluit na Consejo di Minister prome cu Pasco. Diamars ultimo, Minister Endy Croes a haci un bishita oficial na Departamento di Enseñansa Aruba y a duna nan e gran sorpresa cu nan Formatie Rapport y Instellingbesluit ta aproba y valido desde 1 di januari 2024. Esaki tabata un tremendo noticia pa e team di DEA. Finalmente, Minister Endy Croes ta expresa cu e ta contento cu e logro aki pa e bienestar di enseñansa den su totalidad.

MOTOCICLISTA NO A REGULA SU VELOCIDAD NI A MANTENE SUFICIENTE DISTANCIA A BAY DAL TRAS DI AUTO CU A BIRA



Dialuna mainta a drenta informe di un accidente cu hende herida na Westpunt, mesora a dirigi tanto polis como ambulans na e sitio.

Na yegada di e patruya a bin compronde cu un brommer cu tabata bini tras di un auto cu a bay bira na man robes pero e motociclista no a regula su velocidad y a bay dal na e skina drechi di e auto. Door di e impacto e motociclista a resulta herida na su man ademas di algun rasca na su curpa.



Na yegada di e ambulans pa hospital. nan a atende y a transporte



LOGRO HISTORICO!

PABIEN ARUBA

Record di Cifra di turismo di **2023**



Stayover:
1,243,554



**Cruiseship
visitors:**
817,670



REVPAR:
\$266.08



ADR:
\$341.12

**Aña 2023 a kibra tur record den turismo.
E maneho di Minister Dangui Oduber a duna resultado!**



Aruba Tourism
Authority



COMERCIANTENAN CHIKITO CU TA CAY BOU KOR, NO TIN MESTER DI ENTREGA E DECLARACION ANUAL DI BBO/BAVP/BAZV MAS

E comerciantenan aki no ta haya e declaracion den e portal BO impuesto



Departamento di Impuesto ta recorda e comerciantenan chikito cu ta cay bou e Areglo pa comerciante chikito of KOR (Kleineondernemersregeling), cu nan no tin mester di entrega e declaracion anual (jaaraangifte) di BBO/BAVP/BAZV mas manera antes.

Entrante aña 2023

Cu implementacion di e Plan di Impuesto 2023 entrante 1 di januari 2023, e comerciantenan chikito cu tin un eenmanszaak y cu tin un volumen di benta di Afl. 50.000 of menos pa aña, pa ley, ta wordo exonera y pues no tin e obligacion di haci declaracion y pago di BBO/BAVP/BAZV manera otro comerciantenan. Tampoco e comerciantenan aki tin mester di haci e declaracion anual (jaaraangifte) di BBO/BAVP/BAZV den luna di januari. Portal BO impuesto (BOi)

Debi cu e comerciantenan chikito no tin e deber di haci declaracion di BBO/BAVP/BAZV, nan no ta haya e declaracion mensual den e portal BO impuesto (BOi). Tampoco nan no ta haya e declaracion anual manera antes.

Volumen di benta ta mas cu Afl. 50.000

Na momento cu e volumen di benta (omzet) surpasa Afl. 50.000 durante aña, e comerciante chikito tin e obligacion di cuminsa declara y paga BBO/BAVP/BAZV tur luna, desde e luna cu su omzet a surpasa Afl. 50.000.

E tin e obligacion di avisa Departamento

di Impuesto mesora, pa e por cuminsa haci e declaracionnan tur luna via e portal BO impuesto (BOi). Pa avisa, mester yena un formulario digital via e website: <https://www.impuesto.aw/belastingmiddelen> Registracion pa BBO/BAVP/BAZV Departamento di Impuesto no ta registra e comerciantenan chikito pa BBO/BAVP/BAZV tanten cu no tin cambio den e volumen di benta.

E comerciantenan aki ta registra si pa inkomstenbelasting, pa cual nan tin e deber di entrega e cuentanan anual di e empresa ora di haci e declaracion corespondiente.

E comerciantenan chikito (cu tin eenmanszaak) ta wordo registra pa BBO/BAVP/BAZV:

Ora e volumen di benta di e empresa surpasa Afl. 50.000 den un aña.

Ora e comerciante chikito - boluntariamente - pidi pa e wordo registra en conexion cu deducion di BBO paga na frontera.

Unabes cu un comerciante chikito wordo registra pa BBO/BAVP/BAZV, e tin e deber segun ley di haci declaracion y pago tur luna durante tur e añanan cu ta sigui, no obstante si den un aña e omzet a baha bek bou di Afl. 50.000.

Pa mas informacion por yama Departamento di Impuesto na telefon 522 7423 of 522 7424.

Gerencia di Departamento di Impuesto
15 di januari 2024

MINISTER ENDY CROES A REUNI CU E DELEGADONAN INTERNACIONAL DI RADO ANTI-DOPING ORGANIZATION



Diasabra ultimo, presidente di Caribbean Regional Anti-Doping Organization (RADO) Sr. Patrick Werleman, dr. Sasha Sutherland, kende ta director ehecutivo di RADO y Communications Manager, Sra. Marsha Boyce a haci un bishita oficial cerca Minister di Enseñansa y Deporte Sr. Endy Croes. Manera ta conoci, den fin di siman Comite Olimpico Arubano (COA) den colaboracion cu Caribbean Regional Anti-Doping Organization (RADO) a organisa un training di "Anti-Doping" pa train "Anti-Doping trainers". E training a tuma luga di 12 pa 14 di januari 2024. E facilitadonan di United Kingdom Anti-Doping (UKAD), United States Anti-Doping Agency (USADA) y Caribbean RADO a brinda e training aki. Un total di 18 pais a participa na dicho training cual tabata uno exitoso.

Minister Endy Croes a indica cu e tabata un reunion informativo cu hopi oportunidad pa Pais Aruba. Tambe, a propone si Aruba tin e deseo pa organisa un World Anti-Doping Agency's fifth Global Education Conference (GEC) na aña 2027. Desde awo caba e paisnan cu lo kier "host" un evento di e magnitud aki mester muestra interes. Aruba a pone su mes riba e lista di e paisnan cu ta interesa pa organisa e conferencia. Adicionalmente, lo tin un reunion di e ministernan di Region riba e tema aki. UNESCO ta encarga pa organisa y trek e proyecto aki. Aruba a muestra interes den esaki tambe, e Caribbean UNESCO Ministers of Sport Meeting ta tuma luga prome cu fin di aña aki. Na final, punto tres (3) riba e agenda a indica cu e Caribbean RADO Annual General Meeting lo tuma luga den luna di mei di e aña aki na Grenada y a haci un invitacion special pa Minister di Deporte di Aruba pa atende esaki.

Concluyendo, Mandatario di Deporte a gradici Sr. Patrick Werleman, dr. Sasha Sutherland y Sra. Marsha Boyce pa e tremendo reunion y na final a intercambia algun regalo. Minister Endy Croes ta keda pendiente pa brinda mas sosten posibel na Anti-Doping Agency, pero sigur na RADO garantizando asina e "fair competition" entre e atletanan riba tur nivel.



AHATA A HACI DONACION NA DOS CENTRO DI CUIDO DI MUCHA



Aruba – 15 Januari 2024:

Aruba Hotel & Tourism Association (AHATA) a haci un contribucion na Stichting E Barco di Noah Kinderdagverblijf, y Siña y Crece Speelschool y Traimerdia cu un donacion di AFL 5000 pa cada centro di cuidado.

E contribucion ta un continuacion di e esfuerzonan di AHATA pa mehora acceso na oportunidad laboral pa mas mayornan. Mirando e rol importante cu centro di cuidado confiabel y responsabel ta hunga den esaki, e asociacion kier apoya e crechenan aki pa nan por reforsa e servicionan cu nan ta brinda.

Luna pasa a haci donacion na un creche na San Nicolas, y e siman aki a haci donacion na creche den Santa Cruz y den Seroe Patrishi. Tur dos centro ta oficialmente registra cu Departamento di Mucha y Hoben (DMH), e entidad gubernamental cu ta percursa pa ehecucion efectivo di e Ordenansa Nacional Centro di Cuido di Mucha.

Stichting E Barco di Noah Kinderdagverblijf na Santa Cruz ta bou direccion di Izahaira Henriquez, mientras Siña y Crece Speelschool y Traimerdia ta bou direccion di Mariën Lumenier. Cada uno tin varios aña ta brinda un ambiente sigur pa muchanan.

E donacionnan a wordo presenta pa Presidente & CEO di AHATA, Sra. Tisa LaSorte, durante un bishita na e crechenan, acompaña pa Beleidsmedewerker di DMH, Sra. Surella Croeze, y Beleidsmedewerker encarga cu liderasgo di DMH, Sra. Sue-Ann Ras.

AHATA ta contento di por conoce e centronan di cuidado manera E Barco di Noah, y Siña y Crece cu ta atende y duna cuidado na muchanan den un ambiente educativo y sigur cu pasion y dedicacion y cumpliendo cu Aruba su Ordenanza. E asociacion ta comprometi pa sigui apoya esfuersonan cu ta promove participacion den mercado laboral y bienestar general den nos comunidad.

Peticionarionan di Kavel

Por Favor keda pendiente di telefon y email.

Entrante **16 di Januari**, DIP lo cuminsa yama tur ganadornan di Kavel. Por Favor keda pendiente di telefon y email. Si bo persona ta un ganador di Kavel, lo bo haya un yamada for di DIP informando e stapnan cu mester tuma pa ricibi precariovergunning pa Kavel.

Documentonan necesario:

- Copia di ID Nummer
- Copia di Persoonsnummer (Si e persona no tin persoonsnummer, DIP ta duna 3 dia pa entrega esaki)
- Awg. 135,- via swipe (no ta tuma cash)

DIP lo yama e ganador 3 biaha y lo email (si esaki ta disponibel). Si den dado caso e ganador no contesta of yama bek despues di 3 biaha, DIP lo no sigui tuma contacto y lo hasi uzo di nomber nan riba lista di reserva.

Pa mas informacion tuma contacto na: 527-7100 of dip.aw

MINISTER ENDY CROES TA ACUDI NA CELEBRACION DI AÑA NOBO DI SVOA

Masha danki pa contribui grandemente den enseñansa di Aruba



Minister Endy Croes a expresa su gratitud pa e trabou bunita cu e team di SVOA ta desplegando pa educanos muchanan. Minister Endy Croes a expresa cu su deseo ta pa keda traha di cerca cu SVOA y sigui brinda sosten. Rector actual di Colegio Arubano Sr. Tim Croes a hiba un discurso, deseando tur esnan presente un caluroso bonbini. Sr. Tim a indica cu e aña aki april, Colegio Arubano ta cumpli 65 aña di existencia den enseñansa di Aruba y a conta poco di e historia con nan a inicia. Durante e celebracion a haci entrega di un obsekio na e ex-rector y ex-conrectornan cu a forma parti di e team di SVOA, entre otro, Sr. Hector Kolfin, Sr. Jossy Tromp, Sra. Michella van Loon, Sr. Nigel Matthew, Sra. Rosa Sneek, Sr. Johnny Fingal, Sr. Jorge (Chando) Piet-

ersz, Sra. Anuesca Baly, Sr. Donald Angela, Sr. Igmarr Davelaar, Sra. Mariana Jimenez, Sra. Whitney Kock, Sra. Richelle Noël, Sra. Anna Cameron y Sr. Robert Falconi. Durante e anochi ameno aki, Sr. Jaderick Croes a hiba bendicion pa tur presente cu su Dande. Tabatin un tremendo ambiente musical deleita pa Zeta Band y na final di anochi tabatin un bunita sorpresa di brassband pa duna inicio na e dushi temporada di Carnaval. Minister Endy Croes a gradici nan pa nan aporte y profesionalismo durante varios aña den enseñansa di Aruba. Finalmente, Minister Endy Croes a gradici henter e team di SVOA pa contribui grandemente den enseñansa di Aruba y a desea nan un aña fructifero. Masha pabien cu e gran trabou!

ORANJESTAD: Diabierna ultimo, Minister di Enseñansa y Deporte Endy

Croes a asisti na e celebracion di Aña Nobo di Stichting Voortgezet Onderwijs

Aruba (SVOA) na The Indian Rock Garden. Durante e ocasion special aki, Min-

Clasificados

SOLODIPUEBLO@GMAIL.COM

CEL. 585 9500

EMAN NA GRADUADONAN: PONE BOSO DILANTI UN STREA DI GUIA



Tabata un "commencement speech" inspirativo pa graduadonan di e curso basico

Formacion Politico na Cas di Partido. Cu hopi interes y sumamente inspira graduadonan a sigui Lider di Partido AVP, mr. Mike Eman su presentacion di e curso final, Ideologia, como parti di e cursonan ofrece pa Fundacion Digna Lacle Herrera (FDLH).

Mr. Mike Eman a combina e curso final cu un dosis halto di informacion riba corientenan politico den mundo, un profundisacion sumamente inspirativo di e significacion y valor di e ideologia Cristian Democrata di partido AVP y un mensahe di curason pa e cursistanan: pone Boso dilanti un strea di guia como referencia tur dia pa sirbi e BON COMUN.

Eman a muestra cu awe mas cu nunca comunidadnan ta den busqueda pa significacion, direccion y proposito pa nan mision den bida. Y Diabierna 12 di januari 2024 sigur hopi



por a haya un punto importante di referencia na e session final di e "Curso Basico pa Formacion Politico" cu a cuminsa na october aña pasa.

CURSO PROFUNDO

E fundacion a invita lider di partido AVP, mr. Mike Eman, pa sera e curso cu un analysis di "Ideologia politico y corientenan social den comunidad". Loke hopi lo a spera di haya ta un lectura academico tradicional cu ta describi tur e diferente corientenan politico cu tabata tin den transcurso di siglonan. Enbez di esey, e cursistanan y tur hende cu a presenta, a haya un recorrido historico suma-

mente interesante di ideologianan y nan practica politico, di figuranan importante den historia politico di mundo y kico a inspira y motiva nan pa actua manera nan a actua. E clausura di e curso basico a bira un regalo di inspiracion pa actua! A repasa bukinan importante manera Biblia, The Wealth of Nations di Adam Smith te na Dominion di Tom Holland cu ta muestra con valornan Cristian ta parti esencial di nos civilizacion.

BALORNAN TA LOKE MESTER GUIA UN POLITICO

E punto mas importante di e analysis ta cu ta ba-



lornan esencial di cada ideologia ta loke ta guia politiconan y movecionnan den comunidad y cu alfin ta trece cambionan, bon y malo, grandi y chikito. Den un forma masha inspirado y emocionante, e lider di AVP, Mike Eman, a splica e importancia di conoce e

balornan cu a motiva partido AVP for di su lantamento como un movcion popular, pa boga pa cierto cambionan y tuma decisionnan importante pa desaroyo di nos hendenan y nos pais. Ela muestra cu e balornan di stima Bo prohimo, cu ta un balor cu ta sali di Biblia, y e balor di responsabilidad pa e mundo y e comunidad cu nos ta biba aden, ta entre e cuatro balornan mas central pa e coriente politico di Christian Democrata manera AVP. Eman a muestra tambe cu desde promer dia cu e a inicia su carrera politico cu a tene na e valornan aki. E a recorda e promer dia riba escenario na su lansamento para hunto cu su reverendo, Theophilus Rolle, cu awe ta obispo na Bahamas. E balornan di stima Bo prohimo y responsabilidad comun a hunga un rol importante den tumentamento di decision pa bienestar di Pueblo y Pais den e

periodo di gobernacion di 2009-2017. Pa bienestar di bon comun. Ela muestra cu niun lucha pa trece cambio pa mehora bida di pueblo ta facil.

INSPIRACION

E reaccion di esnan den e sala yen di Cas di Partido tabata enorme. Hoben y grandi a wak e liñanan cla entre balornan crucial, corientenan politico y maneho di partidonan politico. Hopi a sinti nan mes inspira y motiva pa ta mas activo pa trece cambio den nos comunidad tambe y lucha pa pone e BON COMUN central atrobe como prioridad pa gobernacion y comunidad. E curso di FDLH y e clausura tabata un exito grandi y un inspiracion di hopi hoben pa drenta politica cu nan balornan bon defini!



Toyota Yaris horta diadomingo madruga a ser haya na Madiki cu bentana y bao stuurwiel destrui



Dialuna merdia a drenta informe di cu tin un auto horta cu lo a ser haya banda di e gulido di Madiki na Belgiëstraat, mesora a dirigi un patruya na e sitio. Na yegada di e patruya a bin topa cu e Toyota Yaris A66003 cual a ser horta diadomingo madruga for di Kamay. Polis a nota e



glas di e bentana chikito kibra y e dashboard bao di e stuurwiel destrui anto tapa cu un paña. Polis mesora a confisca e vehiculo pa mas investigacion.

Sudoku

8								
		3	6					
	7			9		2		
	5				7			
				4	5	7		
			1					3
		1						6 8
		8	5					1
	9					4		

Truck di piki sushi di Serlimar a haak den spaandraad di palo di lus y kibra e palo

Dialuna mainta tempran a drenta informe di un incidente na Savaneta, mesora a dirigi un patruya na e sitio.

Na yegada di e patruya a bin compronde cu den e maniobramento di e truck di piki sushi esaki a haak e spaandraad y sin ripara a ranca e palo di lus kibra esaki.

Polis a tuma nota di esaki y a solicita Elmar pa bin drecha e problema aki.



4	1	3						8
				5		3		
		5	9				6	3
			8	2		9		
5		6			3			
8		4			6			
3					1			
			7					
					9			7



PRONOSTICO DI TEMPO

VALIDO TE DIAMARS 16 DI JANUARI 2024,
18:00 ORA
TEMPO:

AWE TARDI Y AWE NOCHI: PARCIALMENTE NUBLA CU UN AWACERO PASAJERO

DEN MARDUGA Y MAYAN: PARCIALMENTE NUBLA CU UN AWACERO PASAJERO

TE BREVE

AVISO/ ALERTA:

DEBI CU E BIEN TO LO BAI AUMENTA DURANTE PROXIMO

DIANAN TA SUGERI OCUPANTENAN DI BOTO CHIKITO PA

BAI CU CAUTELA RIBA LAMA HABRI. PRONOSTICO DI TEMPO PA PROXIMO 3 DIANAN:

PARCIALMENTE NUBLA CU UN AWACERO BREVE.

BIEN TO LO TA FOR DI DIRECCION OOST Y MODERA

TE BASTA FUERTE, FUERTE TE DURO DEN RAFAGA;

TEMPERATURA (GRADO CELSIUS) MAX / MIN LO TA: 32 / 26

“Tene A” na MANA

MANA tin e honor di presenta e instalacion “Tene A” di Sharelly Emanuelson kende ta un cineasta y artista di arte visual cu lasonan familiar cu Caribe Hulandes. Sharelly a haya reconocimiento y premiacion pa su instalacionnan cu video, documentarionan y presentacion di su obran den festival- y institucionan internacional. Por menciona entre otro e obra Nexus na MoCA Tapei (2023), Document na Rijksmuseum Amsterdam (2022) y Mi Pais na Stedelijk Museum Schiedam (2020). Tambe Sharelly tabata facilitador di Universidad di Corsou, di Sint Maarten, Ateliers '89 na Aruba y Scholengemeenschap na Boneiro. Dia di Betico, publico lo tin e oportunidad pa dialoga cu e artista. Sharelly lo tene 3 sesion interactivo specialmente pa e dia festivo aki. E promete pa 10:30, e di

dos ta 11:00 y e di tres ta 12:00. Pa motibo di espacio limita ta pidi pa inscribi di antemano, mas tarda dia 23 di januari awor, via telefon 582-8979 pa un di e sesionnan. Cu “Tene A,” Sharelly ta crea y habri un espacio den MANA, unda e ta invita publico pa mira mundo cu otro wowo, cu ta conduci na combersacionnan diferente. Asina e ta trece mas perspectiva cu e meta pa yega mas cerca di otro. Tambe pa mira reto- y adaptacionnan di awendia na un forma mas amplio. Su meta ta pa despues di “Tene A” sigui cu “Tene B y C” na Boneiro y Corsou. E instalacion “Tene A” ta un ampliacion di e exposicion “Tene” na Rijksmuseum Hulanda (2023) cu e tema “Sostenibilidad” den Reino Hulandes. Den “Tene” e artista ta explora e relacion entre e ser humano y su medio ambiente den cuadro di cambio di

clima y e impacto di su accionnan diario. Su potretnan a muestra con hende ta anda na diferente forma cu asuntonan manera maneho di awa, erosion y sushi, cu por tin consecuencia grandi of chikito, temporario of permanente. Sharelly ta sigui desaroya su bista riba sostenibilidad basa riba su investigacion den ehecucion “Biba Dushi den Mal Tempoe”. Ta trata di su investigacion pa PhD den cuadro di e programa “Isleñonan na Timon”. E ta un programa multidisciplinario di investigacionnan cu ta enfoca con habitantenan ta adapta na e cambionan climatologico riba e islanan ABC. MANA y Sharelly Emanuelson ta invita un y tur pa pasa na Museo dia 25 januari Dia di Betico entre 10’or di mainta pa 2’or di merdia y hasi uzo di un oportunidad unico pa intercambia cu Sharelly.



Entrada ta un sonrisa. consulta su website: www.sharellyemmanuelson.com Pa mas informacion di Sharelly por

HYUNDAI GETZ HORTA A SER HAYA DESTRUI DEN BELGIËSTRAAT

Dialuna madrugada durante patruya polisnan atento di distrito 1 (Oranjestad) pasando den Belgiëstraat a topa cu un Hyundai Getz staciona banda di caminda ora polis a check e number esaki tabata cuadra cu e number di un auto reporta como horta. Den e auto a nota un paña buta pa tapa e parti di abao di stuurwiel kibra. Polis a confisca e auto mesora y a pidi un takelwagen pa hib’e warda polis pa mas investigacion.



ORACION DI DIA



Un dia fructifero y cu Dios brasa boso cu Su amor paternal

”A traha sabbat pa hende y no hende pa sabbat”(Marco 2, 27)

Evangelio di awe ta yama nos atencion riba loke ley ta regla den bida:

ordena e relacion den nos comunidad pa haci nos bira consciente di nos propio responsabilidad den e sociedad di cual nos ta forma parti como ser humano. E palabra ”ley” of regla por irita nos un poco. Principalmente ora nos atencion wordo yama riba loke nos a haci robes of ora nos a keda sin haci algo. E camindanan di Dios no ta nos camindanan pa via di nos debilidad como ser humano. Den nos relacion cu nos ruman, ta surgi problema, pregunta, disgusto cu tin biaha nos no por comprende. Experiencia humano ta muestra nos tentacion humano.

Como ser humano nos tin tendencia di haci hende catibo di ley. Mientras cu ley a wordo diseña pa sirbi humanidad, tin bes nos no por comprende e actitud di nos ruman. Tin bes hasta nos no por comprende nos mes actitud. Nos ta bira consciente di esaki ora nos tuma nota cu Dios no ta scoge poderosonan pa cumpli cu Su trabou aki na mundo. Al contrario, E ta scoge humildenan pa muestra poderosonan Su caminda.

Oracion: Señor, manda nos Bo Spirito Santo, e Spirito di amor pa nos sa di busca Bo camindanan pa por sirbi nos rumannan den tur humildad.

Amen.

Barona “The Stage Queen” ta pone’bo move un biaha mas cu Chick Sexy “Soca remix” bao produccion di Markkeys Music

E tema’ki den 2023 tabata un sensacion sin duda algun, cu a posiciona su mes riba e top nan mas importante di nos isla. Tema cu sin duda tabata e carta di presentacion pa Barona ser introduci den un liña mas commercial cu su tema nan y despues di esey tur loke a graba tabata un exito posicionando su mes bon na diferente Top musical. Asina cu aña a bolter a concretiza e idea pa finaliza e remix di e tema “Chick Sexy” den cuadro di entre otro Carnaval 70, aunke no ta bias nada di Carnaval...

Despues di a plantea esaki na Markkeys Music son pensa dos biaha a tuma e reto pa pone un sabor mas caribense den e tema aki cu pos sigui ona hasta despues di e temprada di carnaval 70. A skucha e prome concepto y a dicide di ahusta algun detaye den e ‘track’ y esaki t’e resultado final cu ta lanza e version remix di Barona “The Stage Queen” cu e tema ‘Chick Sexy’ bao produccion total di Markkeys Music cu a pone tur su maestria tras di e tema aki.



Chauffeur a pasa auto dal e y sigi core y no kier a para!



Diadomingo atardi a drenta informe di un accidente na Saliña Cerca pero e auto ta siguiendo e box pickup cu a dal e y e no kier para bayendo zuid, mesora a mobilisa patruyanan pa e area di Palm Beach. E persecucion a sigi bayendo Oranjestad. Polis



a logra topanan na Schotlandstraat y eynan polis a logra pare. Eynan despues cu e patruya a tende e declaracion contradictorio di e chauffeur di e boxtruck unda

e ta nenga di a dal e otro auto a solicita presencia di departamento di trafico pa e haci e investigacion.

A bin resulta palpablemente cu ta e dal e auto.

Chauffeur bo a regula su velocidad ni a mantene distancia a bay dal fuertemente tras di un auto

Dialuna mainta a drenta informe di un accidente cu hende herida na Tanki Leendert, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente unda



e chauffeur di e Hyundai Accent biniendo for di pa-



riba no a regula su velocidad ni a mantene diatancia a bay dal fuertemente tras di un Nissan Tiida y un

persona a resulta herida. Na yegada di e ambulans nan a atende e victima na e sitio mes.

Aruba Taekwondo Bond ta anuncia su compromiso continuo pa cu Centrale Training pa Selección Nacional



Santa Cruz, Aruba - 13 di januari 2024 – Aruba Taekwondo Bond (ART-BO) ta contento di anuncia e continuidad di su programa di Centrale Training pa e desaroyo di e Selección Nacional di Taekwondo di Aruba. E programa ta diseña pa brinda atletanan cu e habilidatnan, tecnicanan y training necesario pa progresa den e deporte di Taekwondo. E training lo concentra riba e desaroyo di e habilidadnan y tecnicanan di atletanan aspirante den e divisionnan pa Kids, Cadet, Junior y Adult. Bou guía di e talentoso coachnan di ARTBO, Sr. Teo Rodriguez y Olympian Srta. Monica Pimentel, e sesionan di training lo brinda e training riguroso cu nan mester pa sobresali den e deporte di

Taekwondo. Ambos instructornan tin hopi experiencia den e programa, y nan ta dedica pa yuda atletanan di Taekwondo di Aruba logranan potencial máximo. E training ta diseña pa prepara atletanan pa competencianan futuro y representa Aruba cu orguyo riba e escenario internacional. "E iniciativa di e Centrale Training ta un paso importante pa reforsa e misión y visión di ARTBO y fomenta un generacion nobo di atletanan talentoso," según declaración di Vice-presidente di ARTBO Sr. Norberto "Nuno" TROMP. "Nos ta dedica pa brinda nos atletanan cu e miho training y sosten pa nan por logranan soñonan den Taekwondo."

E Selección Nacional di Taekwondo di Aruba ta completamente supervisa y maneha bou di supervisión di ARTBO y e Comité Olímpico Arubano (COA). E colaboración aki ta segura cu atletanan por ricibi e nivel mas halto di guía y sosten durante nan trayecto di training y competencia.

E programa di Centrale Training ta tuma lugar na Club Estrella na Santa Cruz. Tur scol di Taekwondo miembro di ARTBO ta invita pa participa na esaki. ARTBO ta desea tur estudiante y coach participante hopi suerte den nan training y retonan futuro. ARTBO ta dedica pa nutrí e talento y pasión di su atletanan di Taekwondo y eleva e perfil di Taekwon-



do na Aruba.

Aruba Taekwondo Bond (ARTBO) ta e instancia oficial pa cu asuntunan di Taekwondo na Aruba. ARTBO ta dedica pa promove Taekwondo y e desaroyo di e deporte na tur nivel. ARTBO ta miembro di e Federación

Mundial di Taekwondo (WTF) y e Union Pan-Americano di Taekwondo (PATU). Pa mas informacion tocante e Aruba Taekwondo Bond, por favor bishita nan pagina di Facebook na: <https://www.facebook.com/ArubaTaekwondoBond2022/>

Accidente semi frontal na Catiri

Diadomingo anochi a drenta informe di un accidente cu hende herida na Catiri, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente semi

frontal entre un Kia Rio y un Hyundai Santa Fe. Debi na e impacto e dama chauffeur di e Rio a resulta herida.

Na yegada di e ambulans nan a atende e victima na e sitio mes.



FORTALEZA PA FAMILIA


Scirbi pa Pastor Marcel Balootje.

IDLATRIA TA HACI HENDE ESCLAVO, CIEGO Y SORDO

Tur locual un hende ta halsa den su vida of compara igual cu Dios ta idolatria, especialmente ora e esaki por por ta un persona, imagen, material, droga etc . Pasobra ta comproba cu nada , pero nada no por reemplasa e lugar di Dios den nos vida, pasobra Dios ta Todopoderoso, Omnipotente, y Omnisciente. Ta para scirbi den Salmo 115:4-8: Nan idolonan ta plata y oro, y obra di mannan di hende. Nan tin boca, ma nan no por papia, Nan tin wowo, ma nan no por mira, Nan tin horea ma nan no por tende, Nan tin nanishi,ma nan no por hole, Nan tin man,ma nan no por fula, Nan tin pia , ma nan no por cana, Nan no por saka zonido for di nan garganta. Pesey esun cu traha nan lo bira

mescos cu nan. Pero locual nos por mira dia pa dia, cu ora hende ta esclavo di idolatria, nan ta bira ciego y sordo pa e berdad. E dominio cu idolatria tin riba hende ta diabolico, hende ta expone nan mes na tur sorto di peligro den idolatria, pasobra un bida vicioso ta hiba hende na idolatria. Adiccion tambe ta idolatria pasobra e persona ta halsa e droga mas halto cu Dios,demostrando cu e no por sin e droga, e droga ta domina su vida, e por horta, bende su mes, cay den inmoralidad, y malicia tur esey pa e yega na e droga. E ta bay cera, sali y sigi usa droga. Alcoholismo ta idolatria, ora un hende sa masha bon cu ora e bebe e no por controla su mes, y e por causa accidente, e por haci daño na su mes, e ta causa daño na su sernan keru, e por perde su trabao, y

por haci daño grandi na su salud pero toch e ta sigi bebe. E no tin dominio propio. Tene cuenta cu tur sorto di idolatria ta aleha hende for di Dios, pasobra e spirito tras di e idolo kier reemplasa Dios, pesey Dios ta odia idolatria, pasobra Dios ta un Dios jaloeers (Exodo 20: 3-5). Awendia nos tin un instrumento di comunicacion cu a wordo traha pa un bon proposito, pero cu e enemigo a facie idolo den bida di tur esnan cu ta mara na dje como un idolo. Y esey ta e telefon, tempo telefon tabata un aparato riba mesa , na cas, colga na muraya, riba lessenaar den oficina, hende no tabata mara asina tanto na telefon, pero for di tempo telefon a bira portatil, e a comberti su mes como idolo den bida di hende. E ta un bon medio di comunicacion, pero hopi



ta haciendo mal uso di dje,nan ta mas mara na nan telefon cu na Dios. Nan no por sin nan telefon, mishi cu un telefon di un hende awendia ta nifica cumpra enemigo pa bo culpa. E aparato cu mester ta un bendicion, a bira un arma di redo y vengansa, traicion y fuente di malicia y perversidad, un oficina di engaño y inmoralidad.

un hende ta stima mundo. E amor di e Tata no ta den dje, Pasobra tur loke ta den mundo, e deseo di carni,y e deseo di wowo,y e orguyo di bida, no ta bini di e Tata,sino di e mundo.(1 Juan 2:15-17). Esnan cu ta venera idolonan sin balor , ta bandona Esun cu tin misericordia di nan.(Jonas 2:8). Tur rudia mester dobla y tur lenga mester confesa cu Cristo ta Señor pa gloria di Dios Tata.

No stima mundo, ni e cosnan cu tin den mundo.Si

Sinceramente, Pastor Marcel Balootje.

Polis a haya 2 menor di edad coriendo un Hyundai Eon

Diadomingo anochi despues di 10 di anochi polis a nota 2 menor coriendo un Hyundai preto, mesora nan a paranan banda di R.C.A. Durante e control a bin descubri



cu nan ta menor di edad. Polis a kita e yabi for di nan y a avisa nan pa nan mayor bin busca e yabi na warda di polis Oranjestad y a parkeer e auto

PUEBLO A HAÑA SU PEN BEK

Pa kualkier informacion solodipueblo@gmail.com of 585-9500

Paardenbaastraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 15 Jan 2024 Merdia

CAT & CHI Sorteo # 4153 0109 1670 3071	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot 280.000,-
MULTI X X2 BIG 4 Sorteo # 4153 4798	LOTTO DIA Sorteo # 0 x Jackpot 0 x Match 4 0 x Afl 8,00	Proximo Jackpot 50.000,-
10FF Sorteo # 2209 7077	MEGA Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl. 15,00	Mega Ball Proximo Jackpot 370.000,-
ZODIAC Sorteo # 4153 5177 Aries	MEGA PLUS Afl. 480.000,-	
LUCKY 3 Sorteo # 1027 695	Sorteo #	
MULTI X X5		